



ADVANTIS NEWSLETTER

Izdanje br. 38



Poštovani klijenti i partneri,

Pred vama je **38. sedmično izdanje** Advantis Newslettera.

Tržišta se brzo mijenjaju i pružaju mnogo investicionih mogućnosti, a pravi rezultati dolaze samo onima koji znaju **gdje, kada i kako** investirati. Upravo zato u svakom izdanju donosimo svježe informacije, ideje i zanimljive investicione priče.

Obavještavamo vas da sljedeće sedmično izdanje newslettera (13. april), neće biti objavljeno zbog neradnog dana (Vaskršnji ponedjeljak). Sljedeće izdanje stiže u ponedjeljak, **20. aprila**. Svima koji obilježavaju ovaj praznik želimo srećan Vaskrs.

Hvala vam što čitate i podržavate naš rad.

Srdačno,

[Advantis Broker tim](#)




U ovosedmičnom izdanju pročitajte:

- ✓ Mjesečni izvještaj o zaposlenosti u SAD - ogroman skok novozaposlenih
- ✓ OpenAI prikupio rekordnih 122 milijarde dolara
- ✓ SpaceX se sprema za najveći IPO u istoriji
- ✓ Zašto veliki direktori napuštaju kompanije? Krivac je AI
- ✓ Warren Buffett: Prodao sam akcije Apple prerano, ali ga ne bih kupovao u ovom trenutku
- ✓ Zbog PIK Vrbovca Bosqar ide u prikupljanje oko 150 miliona evra svježeg kapitala
- ✓ Na tržištu obveznica u Hrvatskoj novi igrači
- ✓ Investiciona ideja: RTX Corporation (RTX)
- ✓ MKD PROFIN d.o.o. Istočno Sarajevo kroz 20. emisiju obveznica prikupio 3 miliona KM

Mjesečni izvještaj o zaposlenosti u SAD - ogroman skok novozaposlenih

U petak je objavljen mjesečni izvještaj o zaposlenosti u SAD koji je pokazao ogroman skok novozaposlenih od 198.000 što je najveći skok od 2024. godine.



S&P Global je objavio globalno istraživanje o očekivanjima menadžera iz proizvodnog sektora koje pokazuje očekivanje ekspanzije privredne djelatnosti (broj preko 50 pokazuje ekspanziju, dok ispod 50 pokazuje recesiju).



OpenAI prikupio rekordnih 122 milijarde dolara

Kompanija koja stoji iza ChatGPT-a postavila je novi rekord u istoriji Silicon Valleyja.

OpenAI je prošle sedmice zaključio investicijsku rundu vrijednu **122 milijarde dolara**, što je najveće privatno finansiranje ikad. Nakon ovog ulaganja, kompanija se procjenjuje na vrtoglavih **852 milijarde dolara**.

Rundu su predvodili SoftBank i niz poznatih venture fondova, a pridružili su im se i već postojeći strateški partneri Amazon, Nvidia i Microsoft.

Vrijednost kompanije porasla je sa 28 milijardi dolara u 2023. godini na 852 milijarde svega tri godine kasnije. Da je javna kompanija, OpenAI bi danas bila **11. najveća u S&P 500 indeksu** ispred većine kompanija koje postoje decenijama.

Procjena vrijednosti kompanije:

- April 2023: 28 milijardi dolara
- Januar 2024: 86 milijardi dolara
- Oktobar 2024: 157 milijardi dolara
- Mart 2025: 300 milijardi dolara
- Oktobar 2025: 500 milijardi dolara
- April 2026: 852 milijarde dolara.

OpenAI je sada i **druga najvrijednija privatna kompanija na svijetu**, odmah iza Elon Muskovog SpaceX-a (1,45 biliona dolara). [Više](#)

SpaceX se sprema za najveći IPO u istoriji

Ilon Maskov svemirski gigant SpaceX podnio je prijavu za izlazak na berzu, što bi mogao biti najveći IPO ikad viđen na Wall Streetu.

Prema izvorima bliskim kompaniji, SpaceX bi mogao tražiti procjenu vrijednosti od **1,75 biliona dolara**, sa mogućim listingom već u junu ove godine.

SpaceX je osnovan 2002. godine, a danas je najveći NASA-in partner za lansiranja. Nakon spajanja sa Maskovim AI projektom xAI u februaru, kompanija je procjenjena na 1,25 biliona dolara. Uz Starlink satelitski internet i ogromne ugovore sa američkom vladom vrijedne više od 24 milijarde dolara od 2008. godine, SpaceX nije samo svemirska kompanija, već sve više tehnološki gigant.

Ako listing prođe uspešno, Mask će postati prva osoba koja istovremeno vodi **dve zasebne bilionske kompanije** na berzi - SpaceX i Teslu.

Jedina nepoznanica ostaje nestabilnost tržišta. Stručnjaci upozoravaju da čak i sjajne kompanije mogu imati slab IPO ako su tržišta previše volatilna. [Više](#)

Zašto veliki direktori napuštaju kompanije? Krivac je AI

Jedni od najmoćnijih izvršnih direktora u SAD otkrili su iznenađujući razlog odlaska sa čela svojih kompanija, a to je vještačka inteligencija.

James Quincey, dugogodišnji šef Coca-Cole (KO), i Doug McMillon, koji je decenijama vodio Walmart, obojica su izjavili za CNBC da ih je upravo ubrzani razvoj AI-a naveo da zaključče kako njihove kompanije trebaju nekoga drugog za ovu novu eru.

Ogromne tehnološke promjene koje dolaze kao posljedica primjene AI u budućem poslovanju KO traže „novu energiju“. Svjestan tehnoloških promjena koje su u Coca Coci uradili od 2017. godine i vremena prije AI i mogućnosti primjene novih tehnoloških rješenja korištenjem AI

je motivisalo Jamesa da odstupi te je predložio Henrique Braun za novog CEO Coca Cole. Obrazložio je da će Braun puno kvalitetnije voditi Coca Colu kroz buduće velike tehnološke promjene.

Slična situacija se desila u decembru 2025. godine kada je tadašnji CEO Walmart Doug McMillon odstupio sa mjesta CEO te ga je zamjenio John Furner. Osnovni razlog su tehnološke promjene i uticaj koji će AI imati na trgovinu i na samo poslovanje Walmarta. [Više](#)

Warren Buffett: Prodao sam akcije Apple prerano, ali ga ne bih kupovao u ovom trenutku

Warren Buffett, legendarni investitor i jedan od najbogatijih ljudi na svijetu, priznao je da je napravio grešku kada je prodao određen broj akcija Applea prije nego što je trebalo.

Apple i dalje ostaje **najveća pozicija** u njegovom Berkshire Hathawayu, vrijedna oko 62 milijarde dolara, uprkos tome što je kompanija djelimično smanjila udio krajem prošle godine. Buffett kaže da bi rado kupio još akcija, ali ne po trenutnim cijenama, iako je Apple već pao više od 14% sa nedavnog vrha.

Posebno je pohvalio Tim Cook-a, aktuelnog izvršnog direktora Apple, stavivši ga gotovo iznad samog Steve Jobsa u smislu menadžerskih sposobnosti.

Buffett je početkom 2026. napustio poziciju izvršnog direktora Berkshire Hathaway nakon šest decenija, ali ostaje predsjednik odbora kompanije. [Više](#)

Zbog PIK Vrbovca Bosqar ide u prikupljanje oko 150 miliona evra svježeg kapitala

Fortenova je prihvatila Bosqarovu obvezujuću ponudu za preuzimanje 100% udjela u PIK Vrbovcu mesnoj industriji.

“Planirano preuzimanje PIK Vrbovca predstavlja ključan novi moment u strategiji Bosqar Investa za izgradnju snažne regionalne platforme u poljoprivredno-prehrambenoj i mesno-prerađivačkoj industriji”, rekao je Darko Horvat, predsjednik Uprave Bosqara.

Prema pozivu Bosqar Investa na skupštinu koja će se održati 11. maja predlaže se povećanje osnovnog kapitala za (najviše) 50%, sa sadašnjih 15,6 na 23,4 miliona evra, što u broju akcija znači s postojećih 11,78 miliona akcija za najviše 5,89 miliona novih. Koliko će se kapitala sliti u kompaniju kroz SPO, ovisi o cijeni po kojoj će se na kraju ponuditi akcije. U redovima investicijske zajednice računa se da Bosqar cilja na približno 150 miliona evra.

Po dovršetku pregovora i potpisivanju ugovora o kupovini PIK Vrbovec će se pridružiti Bosqarovoј poslovnoj vertikali Future Food. Nju danas čine Panvita Grupa, kao vodeći poljoprivredno-prehrambeni igrač u Sloveniji, te Mlinar Grupa, vodeća pekarska grupacija u Adria regiji. [Više](#)

Na tržištu obveznica u Hrvatskoj novi igrači

Na hrvatskom tržištu pojavilo se novo izdanje korporativnih obveznica, ovaj put iz sektora koji se rijetko spominje u ovakvom kontekstu, a to je farmaceutski sektor.

PGF Pharma International djeluje unutar regulisanog farmaceutskog okruženja Evropske unije i posjeduje sve ključne dozvole za proizvodnju, distribuciju i promet lijekova. Kompanija ostvaruje prihode kroz laboratorijske, regulatorne i farmakovigilancijske usluge, kao i pripremu vlastitih proizvoda za tržište.

PGF Pharma International otvorio je upis obveznica uz fiksnu kamatu od 6,5% godišnje i rok dospjeća od dvije godine, a ciljani iznos izdanja je milion evra. Kamata se isplaćuje polugodišnje, a minimalni iznos za upis i uplatu je 1.000 EUR. [Više](#)

Investiciona ideja: RTX Corporation (RTX)

Nastavljamo sa predstavljanjem kompanija koje zadovoljavaju uslov Sir Chrisa Honha da imaju „prirodni ili tržišni monopol i/ili veoma jak economic moat“. Da biste saznali više o Sir Chris Hohn-u koji je jedan od najcjenjenijih investitora globalno, poslušajte podcast [“In good company”](#).

U prethodnim newsletterima smo napravili kratki pregled sljedećih kompanija:

- **Vinci** koja upravlja „prirodnim monopolima“ kao što su aerodromi i autoputevi;
- **Rolls Royce** koji pored proizvodnje avio motora za civilnu upotrebu, snažno je prisutan u sektoru odbrane i naoružanja, te u proizvodnji energetskih rješenja za data centre. Rolls Royce je prvi započeo sa modelom iznajmljivanja motora avio kompanijama što je kasnije postao standard na tržištu;
- **Safran** koji pored proizvodnje avio motora za civilnu upotrebu, u svom proizvodnom programu ima i motore za vojne avione, kao i proizvodnju interijera za avione i prateće opreme, i
- **General Electric Aerospace** koji za razliku od Rolls Royce (RR.) kod koga je prodaja podjeljena na oko 52% prihoda koji se odnose na avionske motore u komercijalne svrhe, 24% odbrana i naoružanje i 24% ostalo, kod GE 76% prihoda se odnosi na avionske motore za komercijalne potrebe dok je 24% odlazi na naoružanje.

A danas nastavljamo sa pregledom kompanija koje se bave proizvodnjom avio motora, predstavljanjem **RTX Corporation**.

RTX Corporation (RTX) je jedan od četiri proizvođača avionskih motora. Operacije su podjeljene kroz nekoliko divizija od kojih Pratt&Whitney proizvodi avionske motore, Raytheon radarske i raketne sisteme od kojih je najpoznatiji Patriot, te Collins Aerospace koji proizvodi elektronsku opremu i enterijere za avione. Sve tri divizije učestvuju u uupnoj prodaji skoro podjednako, s tim da je profitabilnost najniža kod Pratt&Whitney prvenstveno zbog tehničkih problema sa avionskim motorima koje su imali u 2023. godini.

RTX je u 2025. godini ostvario prodaju od 88,6 milijardi USD što je rast od 11% u odnosu na 2024. godinu, free-cash flow od 7,9 milijardi USD, te zaradu po akciji (EPS) 6,29 USD, dok je trenutna tržišna kapitalizacija oko 264 milijarde USD. Backlog (ugovoreni poslovi) je rastao 23% u 2025. godini i ukupno iznosi 268 milijarde USD.

Menadžment je dao projekciju rasta prodaje u 2026. godini između 5% i 6% na oko 92-93 milijarde USD, EPS između 6,6-6,8 USD, dok je planirani free cash-flow u rasponu 8,25-8,75 milijarde USD.

Kompanija isplaćuje dividendu posljednjih 36 godina, posljednjih 33 godine konstantno povećava dividendu po akciji i trenutni dividendni prinos je oko 1,3%.


Više informacija o rezultatima poslovanja kompanije možete pronaći na [linku](#).

MKD PROFIN d.o.o. Istočno Sarajevo kroz 20. emisiju obveznica prikupio 3 miliona KM

MKD PRO FIN d.o.o. Istočno Sarajevo je 20. emisijom emitovao 3.000.000 obveznica, pojedinačne nominalne vrijednosti 1,00 KM, ukupne nominalne vrijednosti emisije **3.000.000 KM**.

Upis i uplata obveznica na berzi je trajao u periodu 24 - 30. mart gdje je ukupno upisano i uplaćeno 3.000.000 obveznica, odnosno **100,00%** od ukupnog broja obveznica koje su bile predmet javne ponude.

Podsjećamo da je dospjeće ove emisije je **3 godine** od dana registracije obveznica iz emisije u Centralnom registru hartija od vrijednosti a.d. Banja Luka. Kamatna stopa iznosi **7,50%** na godišnjem nivou. Glavnica i pripadajući dio kamate isplaćivaće se u **jednakim mjesečnim anuitetima** (36 anuiteta).

 Izvještaj o 20. emisiji je dostupan na linku: [Izvještaj o rezultatima emisije](#).

 **Razgovarajte sa nama**

 **Rezervišite besplatne konsultacije**

 **Prosljedite prijateljima...**

Smatrate da bi ovaj Newsletter koristio i drugima? Prosljedite prijateljima:

Prijavite se na Advantis Newsletter

VAŽNE NAPOMENE

Advantis Newsletter je publikacija koja je sačinjena u informativne svrhe i sadrži selektivni prikaz podataka tj. odabrane berzanske indekse, sektore, kompanije i finansijske instrumente te takvi podaci ne predstavljaju prijedlog za ulaganje niti investicijsku preporuku.

Publikacija je sačinjena na način da ne uzima u obzir posebne investicijske ciljeve, ograničenja, finansijsku situaciju ili druge potrebe bilo kojeg klijenta ili potencijalnog klijenta.

Ova publikacija koristi javno dostupne podatke, vijesti i analize koje objavljuju odabrani relevantni izvori kao što su na primjer Bloomberg i CNBC. Iako smatramo da su navedeni podaci pouzdani, ne garantujemo za njihovu tačnost, potpunost ili pravovremenost.

Objavom ove publikacije Advantis Broker a.d. Banja Luka ne snosi nikakvu odgovornost za posljedice ili za eventualnu štetu nastalu korištenjem objavljenih podataka.

Klijenti i potencijalni klijenti se posebno upozoravaju da istorijska kretanja vrijednosti pojedinog berzanskog indeksa ili cijene finansijskog instrumenta nisu indikativni za buduće rezultate, odnosno da u budućnosti mogu značajno varirati.

Vrijednost ulaganja i prinosi koji proizlaze iz investicije mogu se kako smanjiti tako i povećati. Budući prinosi nisu zagarantovani, a investiranje u finansijske instrumente može za posljedicu imati čak i gubitak glavnice.

Ova publikacija ne mora sadržavati sve podatke i informacije koje klijentu ili potencijalnom klijentu mogu biti potrebne za donošenje informisane investicijske odluke te može pružati samo ograničen pogled na pojedino tržište.

Sjedište društva *Advantis Broker a.d. Banja Luka* je u Banjaluci, Krajiških brigada 113, a društvo posluje pod nadzorom Komisije za hartije od vrijednosti Republike Srpske.

Ova publikacija se ne smije reprodukovati, distribuirati ili objavljivati bez obzira na namjeru, bez prethodnog izričitog odobrenja *Advantis Broker a.d. Banja Luka*.



Advantis Broker a. d. Banja Luka

Krajiških brigada 113, Banja Luka, Bosna i Hercegovina

www.advantisbroker.com

To unsubscribe, click on the link

[Unsubscribe](#)

